

WILLIAMS, ALUN OGWEN (1904 - 1970), eisteddfodwr

Enw: Alun Ogwen Williams
Dyddiad geni: 1904
Dyddiad marw: 1970
Priod: Gwladys Spencer Williams (née Jones)
Priod: Lil Williams (née Evans)
Plentyn: Euryng Ogwen Williams
Rhiant: Catherine Williams (née Thomas)
Rhiant: John Samuel Williams
Rhyw: Gwryw
Galwedigaeth: eisteddfodwr
Maes gweithgaredd: Eisteddfod; Perfformio
Awdur: Euryng Ogwen Williams

Ganwyd 2 Hydref 1904 yn Well Street, Gerlan, Bethesda, Sir Gaernarfon, yn fab i John Samuel Williams a Catherine (ganwyd Thomas) ei wraig. Addysgwyd ef yn ysgol gynradd y Gerlan, ysgol sir Bethesda a Choleg Normal Bangor (1922-24), gan fynd oddi yno i Lanfairfechan (1924-26) a Phwllheli (1926-36) fel athro cyn ei ddyrchafu'n brifathro Pentre Uchaf (1936-42), Penmachno (1942-52) a Choed-llai (1952-63). Er iddo ymddeol i'r Rhyl yn 1963 parhaodd i ddysgu Cymraeg yn Ysgol Gyfun Clawdd Offa, Prestatyn hyd 1965. Priododd (1) â Lil Evans (a fu farw 2 Awst 1968) yn Llanbedr, Meirionnydd yn 1932 a bu iddynt un mab. Priododd (2) â Gwladys Spencer Jones ym Mae Colwyn, Mehefin 1970 ond bu farw prin ddeufis yn ddiweddarach ar 4 Awst, yn Nhref, lle y cynhelid yr Eisteddfod Genedlaethol y fl. honno.

Daeth i'r amlwg yn ifanc fel adroddwr a bu'n adroddwr, actor a beirniad adrodd drwy'i oes. Sefydlodd Barti Penmachno, parti cyngerdd a fu'n teithio trwy Gymru a Lloegr dros gyfnod Rhyfel Byd II ac wedi hynny. Ef oedd arweinydd ac adroddwr y parti. Bu'n aelod o Orsedd y Beirdd am ddeugain mlynedd, gan wasanaethu fel ei hysgrifennydd am ddeng mlynedd ac ysgrifennydd Llys yr Eisteddfod dros yr un cyfnod.

Awdur

Euryng Ogwen Williams

Ffynonellau

Gwybodaeth bersonol

Darllen Pellach

Erthygl Wicipedia: [Alun Ogwen Williams](#)

Dolenni Ychwanegol

Wikidata: [Q20746755](#)

Dyddiad cyhoeddi: 1997

Hawlfraint Erthygl: <http://rightsstatements.org/page/InC/1.0/>

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Evch i'n [tudalen codi arian](#) am ragor o wybodaeth.

